



Publicaziuns dalla vischnaunca, jamna 48

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2011-1057

Theo Michael Huonder, Schärenmosstrasse 25, 8052 Turitg; construcziun d'ina casa da pliras habitaziuns, parcella 898, Via Davos-Mustér, 7180 Disentis/Mustér.

Quella lubientscha sa vegnir contestada enteifer 30 dis dapi la publicaziun el Fegl official dalla Surselva tier la Dertgira administrativa dil cantun Grischun.

Disentis/Mustér, ils 29-12-2011
Uffeci da baghegiar Disentis/Mustér

Reducziun individuala dallas premias dalla cassa da malsauns 2011

Persunas e famiglias che vivan en relaziuns economicas mudestas, san risguardond certas premias, dumandar contribuziuns vid las premias dall'assicuranza da basa obligatoria per la tgira da malsauns (LAM).

Persunas che han aunc buca fatg diever dil dretg san far quei **entochen la fin digl onn 2011** (davos termin, datum dil bul da posta 31.12.2011).

Informaziuns, basa legala, muossavia ed il formular d'annunzia anfleis Vus sin la pagina d'internet www.sva.gr.ch. Vus saveis era reter il formular tier l'administraziun communal.

Per damondas stein nus bugen a Vossa disposiziun
Administraziun communal Disentis/Mustér

Clom da quens

Il quen communal vegn serraus giu cun ils 31 da december 2011. Per saver risguardar las expensas occurridas uonn el quen 2011 ei tut tgi che ha aunc da dar quen alla vischnaunca pigl onn current supplicaus da far quei entochen il pli tard ils 19 december 2011.

Nus supplichein tuttas firmas sco era tut ils officials dalla vischnaunca d'observar quei termin.

Administraziun communal Disentis/Mustér

Plan da quartier Caschuarz II *Introducziun dalla procedura pil plan da quartier*

Ils 21 da november 2011 ha la suprastonza communal decidiu da realisar pigl intschess dalla parcella 546 a Caschuarz ina planisaziun da quartier. La procedura pil plan da quartier, resp. la procedura pil regroupament da terren sedrezzan tenor art. 51 ed art. 65 e suandonts dalla lescha davart la planisaziun dil territori LPT, sco era art. 16 e suandonts dall'ordinaziun davart la planisaziun dil territori dil cantun Grischun OPT.

Il plan da quartier e regroupament intenda en special da reglar el rom dallas prescripziuns dalla planisaziun locala l'avertura dil quartier, il plan da surbaghegiada per la part dalla zona da habitar H2 ch'ei aunc buca surbaghegiada, sco era da fixar la relaziun denter habitaziuns primaras e secundaras.



Il plan da situaziun cugl intschess pertuccaus dalla procedura ei publicaus naven dils 2 entochen ils 31 da december 2011 en casa communal Mustér (stanza nr. 10) mintgamai duront las uras da spurtegl.

Encunter l'introducziun dalla procedura pil plan da quartier e la fixaziun digl intschess pertuccau sa, el senn dallas prescripziuns digl art. 16 OPT, vegnir inoltrau enteifer 30 dis dapi la publicaziun officiala protesta alla suprastanza communal Disentis/Mustér. La protesta ston vegnir inoltrada a scret ed ei da motivar.

Disentis/Mustér, ils 28-11-2011
Suprastanza communal Disentis/Mustér

Purschida gratuita

La vischnaunca da Mustér porscha a ses habitonts la pusseivladad da visitar gratuitamein la Casa da traffic a Lucerna, www.verkehrshaus.ch. Al spurtegl dall'administraziun communal sa per mintga di digl onn ve gnir retratg 5 entradas gratuitas.

En quella purschida ei cunteni:

- entrada gratuita ella Casa da traffic a Lucerna cun museum, planetarium, museum da Hans Erni
- teater da film IMAX per in prezi special (frs. 4.– reducziun)
- 10% rabat sin artechels ella stizun dil museum

Co fuss ei da far inagada in'excursiun a Lucerna, forsa gest cun nezegiar la carta dil di per viagiari cun quasi tut ils mieds da traffic publics en Svizra? Dapli informaziuns retscheveis Vus tier l'administraziun communal Mustér (tel. 081 920 36 36 ni e-mail: admin@disentis.ch).

Nus giavischein ina nunemblideivla aventura el museum il pli frequentau en Svizra.
Suprastanza communal

Controlla da habitonts Mortori

Antonia Schuoler, naschida ils 19-6-1939, morta ils 22-11-2011.

Vischinadi Segnas/Mompé Tujetsch Radunozza generala

**Dumengia, ils 11 da december 2011
allas 20.15 ell'ustria «Cresta» a Segnas.**

Tractanda speciala: elecziun delegau Mompé Tujetsch

Cordialmein envida la suprastanza

Suenter la radunonza dil vischinadi ha liug la radunonza dalla cascharia e dil fuorn Segnas.



Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischun! Plinavon daventan ils donns cun mintga minuta spiarsa pli gronds.

Perquei s'adressein nus a Vus cun ina ferventa supplica: clamei ils pumpiers mo sur il clom d'urgenza 118. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vus sin nossa pagina www.pumpiers-sursassiala.ch.

Engraziel per Vies sustegn!
Vos pumpiers Sursassiala

Pigniel da Nadal 2011

La 3. classa reala/secundara Mustér organisescha uonn la vendita dil pigniel da Nadal. Ei vegn vendiu pignola mo sin empustaziun. La vendita ha liug avon il local forestala a Cuoz-Sut: **Mesjamna, ils 21 da december 2011 dallas 8.30–11.00.**

Il pigniel sa vegnir empustaus entochen ils 14 da december cun indicar num, prenum, adressa, sort dil pigniel e grondezia.

Adressa: Scola Mustér, vendita da pigneuls, Caum postal 41, 7180 Mustér
Telefon: 081 947 52 85
Fax: 081 947 52 86
Mail: ahosang@scoladisentis.ch

Pégn (Rottanne)

1,10–1,50 m frs. 26.–
1,60–2,00 m frs. 29.–
2,10–2,50 m frs. 33.–

Viez (Weisstanne)

1,20–1,70 m frs. 38.–
1,80–2,50 m frs. 43.–

Pégn da Nordmann

1,10–1,50 m frs. 41.–
1,60–2,00 m frs. 53.–
2,10–2,50 m frs. 67.–

Pinar sez il pigniel da Nadal!

Igl uffeci forestal dat era uonn la pusseivladad a mintga habitont ni hosp da Mustér dad ir egl uaul a pinar gratuitamein il pigniel da Nadal giavischau. Il forester communal accumpogna ils interessai e dat in ni l'auter cussegl.

Nus s'entupei cun resti cauld, buns calzers ed ina resgiutta **sonda, ils 17 da december 2011 allas 9.00 sil parcadi dil Center da sport e cultura, Mustér.**

Uffeci forestal Disentis/Mustér



**Devoziun d'advent:
*Jesus port'al mund la pasch***

Nus envidein Vus e Vossas famiglias, Vos amitgs ed enconuschents e tut tgi che ha plascher alla devoziun d'advent.

**Dumengia, ils 11 da december 2011
allas 17.00 en baselgia s. Gions Mustér.**

Cordial beinvegni a tuts la grupp dil Salid dil Segner ed il rudi d'affons Artgin

Sontgaclau da Funs, Latis e Clavaniev ils 3-12-2011

Sco usitau sentaupan ils vischins e las vischinas da Funs, Latis e Clavaniev suenter messa vid las 17.00 el curtin dalla .villa.. Plinavon dat ei uonn in program special pils affons. Infos pil program d'affons tier Aurelia Flepp, natel 076 533 83 60.

Bugen fa il Sontgaclau era intec pli tard la sera ina viseta tier Vus a casa. Damondas ni giavischs san vegni communicai a Patric Maissen, president, Via Clavaniev 33, 7180 Must.r, 076 407 46 82, ni per e-mail: patricmaissen@hotmail.com.

Uniun da giuventetgna Vitg

Suenter messa da Sontgaclau ed avon che far las visetas ellas casadas s'entaupan ils dus Sontgaclus dalla fracziun Vitg cun lur suitas sil parcadi sper il hotel La Furca. cun tut tgi che ha plascher sin in vin cauld ni in bien punsch.

En cass ch'enzatgi havess buca survegniu la posta dil Sontgaclau per s'annunziar per la viseta a casa sa el aunc far quei sut: sontgaclauvitg@hotmail.ch.

Sin in bien seveser selegran ils dus Sontgaclus e lur suitas

Sontgaclau a Segnas

Sontgaclau viseta las casadas da Segnas ed Acletta sonda, ils 3 da december 2011 denter las 17.00 e las 22.00. Allas 23.00 vegn prelegiu igl oremus en l'ustria Crestas. a Segnas.

Per che Sontgaclau stoppi buca star avon escha serrada, supplichescha el da comunicar sch'el astga vegni a far ina viseta cun in per cuortas indicaziuns. Las annunzias san vegnidadas termessas a la suondonta adressa: Carlo Monn, president UG Segnas-Acletta, Via Cuoz-sut 4, 7186 Segnas ni per e-mail: carlomonn@hotmail.com

Cordial engraziament ed in bi temps da Nadal giavischa a Vus l'uniun da giuventetgna Segnas-Acletta

**Uniun da dunnas Mustér
*Sontgaclau viseta ils seniors***

**Dumengia, ils 4 da december 2011
allas 13.30 en halla Cons**

Cun grond plascher envidein nus tut ils convischins e las convischinas da 60 onns ensi alla fiasta tradiziunala da Sontgaclau.



Cun in pign program, viseta dil Sontgaclau ed in pushegn lein nus porscher a Vus in per emperneiv-
las uras en cumpignia.

Nus selegrein da passentar ensemen cun Vus in bi suentermiezdi.

Cordialmein envida Uniun da dunnas Mustér

Uniun purila Mustér: Radunonza generala

**Venderdis, ils 10-12-2011 allas 20.15
el hotel .Sax..**

Cordialmein envida suprastonza uniun purila

Uniun samaritana Mustér

Nus s'entupein **gliendisdis, ils 12 da december allas 19.30** ella Casa Cruna. per star in'uriala en
buna cumpignia. Ei vegn purschiu in pign pushegn.

Selegrond sin Vossa participaziun ed ina biala sera salida
la presidenta

Uniun da dunnas Mustér Mummas cun affons pigns Seruschnar – paterlar – termagliar

Tut ils affons da 0 entochen 3 onns cun lur mummas e fargliuns ein cordialmein beinvegni **mesjamna,
ils 7 da december 2011** dallas 15.00–16.30 per passentar in bi suentermiezdi da cumpignia el local
Artgin.

Per damondas ni sclariment stat Nathalie Lutz, tel. 081 947 61 94 bugen a disposiziun.

Mummas cun affons pigns Mustér

Uniun da dunnas Medel

Cuors aunghel da gep mira sut Medel!

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura/Öffnungszeiten:

Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00



Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar.

Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !

Nus selegrein da mintga viseta.

Biblioteca populara Mustér
